



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-483-6/23**
Datum: **8.1.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „G-PETROL“ d.o.o. Sarajevo, za izdavanje vodne dozvole za ispuštanje tehnoloških otpadnih voda sa prostora autopraonice i oborinskih onečišćenih voda sa lokacije objekta benzinske pumpne stanice sa pratećim sadržajima, izgrađenog u naselju Mala Lisa, grad Cazin, na osnovu člana 109. stav (1) tačka 2. i 13. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „G-PETROL“ d.o.o. Sarajevo, za ispuštanje tehnoloških otpadnih voda sa lokacije autopraonice i onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u naselju Mala Lisa, na zemljištu označenom kao k.č. broj: 859/2 i 885/17 K.O. Čoralići (stari katastarski operat), odnosno k.č. broj: 1966/1 i 1902/24, K.O. Čoralići (novi katastarski operat), grad Cazin.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog objekta benzinske pumpne stanice sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Da se za vrijeme važenja ovog Rješenja, u skladu sa članom 28. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije Bosne i Hercegovine“, broj 31/15, 41/20, 55/19 i 63/22) podnese zahtjev i pribavi odobrenje operatora javnog gradskog kanalizacionog sistema za priključenje onečišćenih oborinskih voda sa prostora internih saobraćajnih i pretakališnih površina na kolektor javnog gradskog kanalizacionog sistema, ukoliko je isti priključen, ili postoji mogućnost priključenja na isti.
 - 3.3. Skladištenje nafte i naftnih derivata vršiti u podzemnim dvoplašnim rezervoarima, sa primjenom sistema automatske dojava o procurenju međuplašnog prostora, ukupnog kapaciteta 200 m³.
 - 3.4. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.5. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
 - 3.6. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.7. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i pretakališnih površina nesmetano sakupljaju i odvođe do objekta

predviđenog za tretman tehnoloških otpadnih voda (separator ulja i masti), a zatim tretirane vode ispuštaju u recipijent.

- 3.8. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.9. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe. Rezultate analiza dostaviti ovoj Agenciji.
Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.10. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti emisije definisane u članu 14. i 15. Uredbe o uslovima ispuštanja otpadnih voda u okoliš i sisteme javne kanalizacije.
- 3.11. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.12. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačke 13. i 22. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „G-PETROL“ d.o.o. Sarajevo je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štetu ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnim objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 129. stav (1) Zakona o vodama („Službene novine Federacije BiH“, broj 70/06) se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, „G-PETROL“ d.o.o. Sarajevo, obratilo se ovoj Agenciji zahtjevom, zaprimljenim dana 31.10.2023. godine, za izdavanje vodne dozvole za ispuštanje tehnoloških otpadnih voda sa lokacije automatske autopraonice i onečišćenih oborinskih voda sa lokacije objekta benzinske pumpne stanice sa pratećim sadržajima izgrađenog u naselju Mala Lisa, na zemljištu označenom kao k.č. broj: 859/2 i 885/17 K.O. Čoralići (stari katastarski operat), odnosno k.č. broj: 1966/1 i 1902/24, K.O. Čoralići (novi katastarski operat), grad Cazin.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Aktuelni izvod iz sudskog registra; izdan dana 27.04.2023. godine od strane Općinskog suda u Sarajevu pod brojem 065-0-RegZ-23-004327 (ovjerena kopija prve stranice),
- Uvjerenje o registraciji poreznog obveznika, izdano dana 08.02.2022. godine od strane Federalnog ministarstva financija-finance, Porezne uprave Federacije BiH – Kantonalni porezni ured SARAJEVO (ovjerena kopija),
- Uvjerenje o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-613-2/22, izdano od strane Uprave za indirektno – neizravno oporezivanje Bosne i Hercegovine, dana 28.01.2022. godine, u Banjaluci (ovjerena kopija),
- Punomoć zastupnika podnosioca zahtjeva, broj: NB010000/IN-PU/5/22 od 03.02.2022. godine (kopija),
- Kopija platnog naloga za upravnu pristojbu,
- Rješenje o vodnoj dozvoli, kojim se investitoru „G-Petrol“ d.o.o. Sarajevo, daje vodna dozvola za promet opasnih materija kao i proizvoda od tih materija koje nakon upotrebe dopijevaju u vode te ispuštanje tehnoloških otpadnih voda sa lokacije objekta autopraonice i onečišćenih oborinskih voda sa lokacije objekta benzinske pumpne stanice sa pratećim sadržajima, izgrađenog u naselju Mala Lisa, na zemljištu označenom kao k.č. broj: 859/2 i 885/17, K.O. Čoralići (stari katastaraki operat), odnosno k.č. broj: 1966/1 i 1902/24, K.O. Čoralići (novi katastaraki operat) grad Cazin; izdano od strane Agencije za vodno područje rijeke Save Sarajevo pod brojem UP-1/25-3-40-505-7/18, dana 19.11.2018. godine (kopija),
- Rješenje o okolišnoj dozvoli, kojim se izdaje obnovljena okolišna dozvola operatoru „G-PETROL“ d.o.o. Sarajevo, za objekat benzinske pumpe sa pratećim sadržajima, koja se nalazi na zemljištu označenom kao k.č. broj: 1966/1 i k.č. broj: 1902/24 K.O. Čoralići, kapaciteta spremnika za gorivo, ukupno 200 m³; izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem 11-23-15847-UP-1/17, dana 22.02.2018. godine, u Bihaću (kopija prve stranice rješenja),
- Obavijest, kojom se podnosilac zahtjeva informiše da prema sadašnjim zakonskim i podzakonskim aktima predmetna benzinska pumpa ne podliježe obavezi izdavanja okolišne dozvole kod kantonalnog ministarstva; data dana 17.09.2020. godine pod brojem 11-19-875-2/23 od strane Ministarstva za građenje, prostorno uređenje i zaštitu okoliša Unsko – sanskog kantona, u Bihaću (kopija),
- Godišnji termin plan monitoringa otpadnih voda za „G-PETROL“ d.o.o. Sarajevo; urađen od strane „Inspekt-RGH“ d.o.o. Sarajevo dana 24.02.2023. godine, u Sarajevu, i odobren od strane podnosioca zahtjeva,
- Operativni plan mjera u slučaju vanrednih i incidentnih zagađenja benzinske pumpe i autopraonice, urađen od strane „Inspekt-RGH“ d.o.o. Sarajevo dana 04.09.2023. godine, pod brojem 1222/23, u Sarajevu, i odobren od strane podnosioca zahtjeva,
- Rješenje, kojim se investitoru, OMV BH d.o.o. Sarajevo, ul. Fra Andela Zvizdovića 1, daje odobrenje za građenje benzinske pumpe sa pratećim objektima, namjenski za kafe bar, klasičnu prodavnicu i autopraonicu, u naselju Mala Lisa – Cazin, na zemljištu označenom kao k.č. broj: 1966/1 i 1902/24, k.o. Čoralići (podaci novog premjera), što po starom katastarskom operatu predstavlja k.č. broj: 859/2 i 885/17, k.o. Čoralići, a na osnovu tehničke dokumentacije – izvedbenog projekta (knjiga 1, 2, 3, 5 i 6) izrađenog od strane ovlaštenog pravnog lica ARCHING d.o.o. Bihać, pod šifrom; IZP 12-06/07 i izvedbenog projekta mašinskih i elektroinstalacija, izrađenog od strane ovlaštenog pravnog lica d.o.o. „IN-EL inženjering“ Bihać, pod šifrom BP-3/2007.godine, a sastavni dio rješenja čini i rješenje o urbanističkoj saglasnosti broj: 04-23-1873/07 od 29.06.2007. godine; izdano od strane Službe za urbanizam i zaštitu okoline općine Cazin pod brojem 04-23-3733/07, dana 04.10.2007. godine, u Cazinu (kopija),
- Izvještaj o monitoringu kvaliteta i kvantiteta otpadnih voda benzinske pumpe i autopraonice „G-PETROL“ Poslovna jedinica Cazin, broj izvještaja 798/23, urađen od strane Inspekt – RGH d.o.o. Sarajevo, dana 24.05.2023. godine,
- Godišnji izvještaj o monitoringu kvaliteta i kvantiteta otpadnih voda iz svih objekata u vlasništvu „G-PETROL“ d.o.o. Sarajevo za 2022. godinu, broj izvještaja GI-12/23, urađen od strane Inspekt – RGH d.o.o. Sarajevo, januara 2023. godine,
- Rješenje, kojim se daje „OMV BH“ d.o.o. Sarajevo, ul. Fra Andela Zvizdovića 1, upotrebna dozvola za poslovni objekat benzinska pumpa sa pratećim objektima, namjenski za kaffe bar, klasičnu prodavnicu i autopraonicu korisne površine 1.586,82 m², u naselju Mala Lisa – Cazin; izdano od strane Službe za urbanizam i zaštitu okoline Općine Cazin pod brojem 04-23-917/08, daa 07.04.2008. godine, u Cazinu (kopija),

- Zaključak o visini i roku za plaćanje posebnih troškova u postupku izdavanja vodnog akta, izdan od strane ove Agencije pod brojem UP-1/21-3-40-483-4/23, dana 27.11.2023. godine te kopija naloga za plaćanje istih.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, izvršen je pregled izgrađenog poslovnog objekta benzinske pumpne stanice sa pratećim sadržajima i tom prilikom sačinjen zapisnik o uviđaju broj: UP-1/21-3-40-483-5/23 od 28.12.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Poslovni objekt benzinske pumpne stanice sa automatskom autopraonicom i pratećim sadržajima „G-Petrol“ d.o.o. Sarajevo, je izgrađen u naselju Mala Lisa, grad Cazin. Objekat se sastoji od nadstrešnice iznad aparata za istakanje goriva sa maloprodajnim mjestom, sanitarnim i upravnim prostorijama, objekta automatske autopraonice, spremnika za gorivo, separatora, internih saobraćajnih i parkirnih površina te zelenila. Gorivo se dovozi autocisternama i pretače u ukopane dvoplašne spremnike (2x100 m³), ukupnog kapaciteta 200 m³. Sanitarne otpadne vode iz maloprodajnog objekta su kanizacionim cijevima sprovedene do septika. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom na internu oborinsku kanizacionu mrežu. Oborinske vode sa manipulativnih površina, koje mogu da sadrže produkte naftnih derivata i suspendirane materije, se nivelacijom terena slijevaju ka slivnicima i linijskim slivnim rešetkama te cijevnim sistemom odvođe do separatora ulja i masti na potreban tretman. Preliv iz separatora je izveden ka kolektoru gradske kanizacione mreže.

Oborinske vode sa betoniranih pretakališnih površina se nivelacijom istih ka linijskim slivnim rešetkama prikupljaju i odvođe, također do separatora ulja i masti na potreban tretman.

Uvidom na internet stranici geoportal.ba je konstatirano da se predmetni objekt nalazi na zemljištu označenom kao k.č. broj 1966/4 K.O. Čoralići, a na zemljištu označenom kao k.č. broj 1902/24 K.O. Čoralići je izgrađen drugi poslovni objekt.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Razmatrajući podneseni zahtjev, a na osnovu dostavljene dokumentacije i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva ovog Rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog.

Na osnovu provedenog postupka konstatuje se da je podnosilac zahtjeva, „G-PETROL“ d.o.o. Sarajevo, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Ahmet Smajlović, dipl. inž. arh.

Po ovlaštenju
Rukovodilac sektora za izdavanje vodnih akata



Haris Ališehović
Haris Ališehović, dipl. inž. građ.

Dostaviti:

- „G-Petrol“ d.o.o. Sarajevo, Tešanjaska 24A, 71 000 Sarajevo,
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava